

24. oktober 2019

UKA2019/26

### **Inatsisartut Suleriaasiannut allannguutissatut siunnersuut.** (Inatsisartut Siulittaasoqarfiat)

Inatsisartut suleriaasiata allanngortinneqarnissaannut Inatsisartut siulittaasuata qaqqitai imatut oqaaseqarfigissuavut.

Inatsisartut nunap inatsisiliortuinit atugassarititaasut sulinerminilu najoqqutassarisaasut allannguiffigisariaqarnerinut oqaneq isumaqatigaarput.

Inatsisartut apeqquteqaat aallaavigalugu piffissami qanoq isisumiluunniit oqaluuserisassanngortitsisinaanerat periarfissaasuassasoq isumaqarpugut. Inatsisartut siulittaasuata tunngavilersuutaa paasillugit isumaqarpugut naaperiutigineqarsinnaasoq pitsaasoq tassavoq pineqartup ilumut masakkoqqinnaaq pisunut tunngaveqarnera akuersiniarnerminni tunngavilersuutigissagaat. Ilanngullugu apeqquteqaat aallaavigalugu oqallisissiaqarsinnaanerup inuiaqatigiinnut malinnaaneq, inuttaasunut tusarlineq aammalu pinartut pingaartinnerinik oqariartorneq assut iluatinnartutut isigaarput, periarfissaasuartaqartorlu isumaqarluta.

Aqutsisuusunit aqukkuminaatsutut nalilerneqassappat inatsisartut namminerisamik tamanna ajornartorsiutiginnilaat kisiannili ataatsimiinnermi aqutsisuusut aqutsilluarnermikkut aammalu qulequttamik aallutsitsinermiittoq isumaqarpugut.

Ilanngullugu oqaatigiumavarput Namminersorneq pillugu inatsit naapertorlugu, tamannaluvoq malitassarpoq, tassa nunatsinni oqaatsit pisortatigoortut tassaapput kalaallit oqaasii. Inatsisartutut sulinitinni malitassaraarput tamanna, taamaammat kalaallisut oqaaseqanngitsut toqqaannartumik qallunaatuunngortitsinikkut malinnaasinnaanerinut periarfissaqartarput.

Maannakkut inatsisartutut oqaluuserisassanut oqaaseqaasiorniarnermi kalaallisut allatavut tamarluinnarmik qallunaatut nutserneqarsimanissaannik piumasqaateqarneq ullutsinnut inatsimmullu tulluannngitsutut taajumavarput. Inatsiserput tassalu Namminersorneq pillugu inatsit naapertorlugu pisortatigoortumik sulinitinni, tassalu soorlu maani inatsisartuni pisortatigoortuusoq, pi-sussaaffeqanngilanga allatakka tamaasa danskisuunngoqqaarsimanissaannut. Inatsisartoqarfiup imaluunniit naalakkersuisoqarfiit namminneq danskisut allassimasunngorlugit pisariaqartippagit Inatsisartoqarfiup oqaluttarfimmiit oqaatigineqartut lydfilinngorlugit pisarniarligit, imaluunniit aammalu toqqaannartumik oqalutsit oqaatigisai aamma ilanngullugit piniarligit, qallunaatut allassimasut piumappatigit.

# Nunatta Qitornai

## Inatsisartuni



Inatsisartut politikertussaavugut, kisiannili maannakkut qallunaatut allassimanissaanik pi-umasaqarnerujussuup politikkersinnaanissaraluatsinnut nutserinerujussuarmut aningaasartuuteqaannarata sulinitinnut kingaallarsaataaqaq. Tassa allaffissortitsineq angeqisoq ingerlanneqartoq akuersaangilarput.

Inatsisartut oqaaseqaatissaminnik allassimatillutik ataatsimiinneq sioqqullugu inatsisartoqarfimmut oqaasissat nassiussoreersimanissaannik piumasaqaat allangortariaqartoq aamma isumaqarpugut. Inatsisartuni nunani allani, aamma sanillersuuttakkatsinni oqaasissiat nammineq allassimasat oqaaseqartussap nammineq pigisarpai piumasaqaataasarani siumoortumik nassiutereersimanissaannik, kisiannili inatsisartoqarfiit oqaluttarfimmi oqaatigineqarsimasut atuutsillugit tamarmik naqinneqartarput taakkulu oqaluttarfimmi anninneqartut tunngavigalugit inatsisartut ataatsimiititaliaanni tunngavigineqartarput. Maannakkut allassimasuinnaat ataatsimiititaliani tunngavigineqartarput oqaluttarfimmi oqaatigineqartut pappilianggorlugit atuutsinneqartaratik, allanneqarneq ajormata. Taava soq oqaluttarfimmiit isummersussuugut, oqallisissuugut uffa ataatsimiititaliami oqaatsit aninneqartut tunngavigineqarneq ajortut. Oqaatsit aninneqartut atuuttuullik, tamannalu suleriutsikkut aaqinneqartariaqartut isumaqarpugut.

Inatsisartut siunnersuutitik aningaasatigut naleqarpata isumaqarpugut akisussaaqataanerup aqqani aningaasalersorsinnaanermut siunnersuuteqartarnissaq pissusissamisooruq, malugalugu siunnersuutaasutut. Naalackersuisut akisuteqaateqarnermikkut aningaasalersuisinnaanissamut siunnersuuteqarsinnaanernut allannguutissaq isumaqatiginarpoq aporfiusinnaasut aammalu naaperarsinnaanermut aqutissatut isigigatsigu.

Inatsisartut ukiaanerani nunani avannarliit siunnersuisooqatigiinneri peqqutigalugit inersuarmi ataatsimiinnerit unikkallartinneqartarneri ilumut ullumikkumut tulluurtuunersoq apeqquserparput. Soorunami ataatsimiititaliat imaluunniit naalackersuisut susasaqartut ataatsimiigiarsinnaaneri ammallit, kisiannili inersuarmi ataatsimiinnerit unitsingikkaluarlugit. Inatsisartut ataatsimiititaliai imaluunniit ilaasortat ataatsimiinnernut inatsisartut qaaqusaasimasut nunatta avataani peqataasinnaajunnaartinneqartarput qinnuteqaraluarnermi itigartinneqartarlutik ataatsimiinneq pequtaalluni. Tamassuma nassataraa pisut ataatsimiinnerillu pingaaruteqartut pingaartumik maannakkut issittulerngusaannermi nunatsinnit inatsisartut peqataaneq ajorlutik nipaqqangitsutut soqutiginninngitsutullu nalilerneqaatigilertarlugu. Isumaqarpunga sinniisoqarsinnaatitaaneq aammalu inatsisartut susasaqarnerat nalilersuiffigilluarneqarnerusariaqalersoq. Nunanut avannarlerni siunnersuisooqatigiit ataatsimiitarneri ima aamma maanna pingaaruteqartigaat tamatta maani unittariaqarluta? Ataatsimiititaliat soorunami ingerlasuarput kisiannili ataatsimiinnerit unittariaqarneri isumaqatiginangillat. Arctic Circle Assembly ukiut tamaasa Issittoq pillugu ataatsimiinnerit annersaat peqataaffiginerusariaqarnerat oqariartuutigiumavarput inatsisartunut

# Nunatta Qitornai

## Inatsisartuni



susassaqtunut tamanut annerusumik sunniuteqarnikkut, ataatsimeeqataanikkut, oqalliseqataanikkut avammut oqariartornermi nunatta nipaa anginerungaartoq anngussinnaallugulu pissarsisutigineqarnerungaarsinnaasoq pillugu eqqarsaat apuukkusuppara. Aningaasaliissutit annertusinnikkaluarlugit pingaarnersiuneq ullutsinnut naleqqunnerusoq piuli, tassalu politikkikkut suleqateqarneq siammasinneeq nunatsinnullu tunnganerungaarnerit peqataaffigisalerlugit.

Siunnersuut allannguissamut tunngaveqartoq naaperiuteqarfiulluassasoq neriulluarfigalugu suleriuseq pillugu ataatsimiititaliamut ingerlateqqipparput.